



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

78. VValterus Episcopus Tornacensis an. 1236. vitae regulam praescribit
fratribus ac sororibus Deo seruientibus in Gandauensi Leprosorum domo.

urn:nbn:de:hbz:466:1-10903

quæ ad ipsum, tempore datae litterarum præscriptarum, pertinebant, sub nostra tuitione suscipimus protegendum.

Ita quod si quis occasione dictæ translationis, vel collocationis, seu alterius cuiuscumque rei, dictas moniales temerè vexare vel molestare præsumperit, nos in eum tamquam in proprium aduersarium nostrum mouebimur, & ad nostrum reputabimus redundare contemptum, quamquam contra eas indebet fuerit attentatum. Ad quod etiam obligamus nostros in posterum successores, ea quæ per dictam dominam nostram facta sunt, in hac parte approbantes, & etiam confirmantes.

In cuius rei testimonium & munimen perpetuum dictis monialibus præsentes litteras tradidimus, sigilli nostri appensione munitas.

Datum apud Binchium anno Domini M. CC. LVIII. in Iunio. 158.

NOTATIONES.

ATHVM) Hannoniæ opidum, Iudo litterario clarum : cui vicina sunt tria loca, cultu ac miraculis B. Virginis celebria, videlicet Ceruia, Chieure, Hannoniæ similiter opidum, Camberona monachorum ord. Cistertensis Abbatia, & Tungrorum vicus. Exstat de his locis libellus Colonizæ editus.

AYDENARDA) siue Aldenarda, opidum Flandriæ ad Scaldim.

C A P V T LXXVIII.

Valterus Episcopus Tornacensis an. 1236, vite regulam præscribit fratribus ac sororibus Deo seruientibus in Gandavensi Leprosorum domo.

WALTERVS Dei gratia Tornacensis Episcopus vniuersis præsentes litteras inspecturis salutem in Domino.

Cùm plurimæ traditiones plurimas faciant transgressiones, nos vni sententiæ S. Iacobi inhærentes, qua dicitur, Religio munda & immaculata apud Deum & Patrem, hoc est visitare pupillos & viudas in tribulatione eorum, & immaculatum se custodire ab hoc

seculo; summam Religionis consistere arbitramur in fouendo personas miserabiles, humano auxilio destitutas, maximè quas Dominus probat in camino paupertatis, & in fornace tam contagiosæ & gritudinis, ut merito, propter illam, mandato legis præcipiantur ab aliorum consortio separari.

Sanè cùm intelleximus in domo Leprosorum de GANDAVO erga hujusmodi miserabiles personas tam virorum quam mulierum, ibidem Deo & pauperibus Leprosis suis deseruientium, plurimum feruere deuotionem & affectum, eas in nostra protectione suscipientes, nihil eis amplius oneris duximus imponendum; nisi quod corporalem continentiam, priorum abdicationem & habitum religiosum, & obedientiâ Magistri domus tenentur generaliter obseruare.

Hæc autem quattuor, fratribus & sororibus eiusdem domus, pro regula viuendi, decreuimus obseruanda. Cetera quæ emergunt in excessibus corrigendis reliquimus in discreta dispositione Magistri domus: ita tamen quod maiores excessus, qui regulares obseruantias contingent, ad Episcopum referantur.

In huius rei testimonium & firmitatem præsentes litteras scribi, & sigilli nostri appensione fecimus communiri; bonas consuetudines prædictæ domus & approbatas præsentium, auctoritate nihilo minus confirmantes.

Actum Gandaui, anno Domini 1236. feria sexta post festum S. Martini.

N O T A T I O.

Hospitalariæ virgines dictæ domus Gandensis an. 1626. regulam S. Benedicti sunt amplexæ; duabus monialibus, ad instructionem dandam, vocatis ex Cortenberga, quæ est inter Bruxellam & Louanium sita.

Leprosorum porrè domus hospitalariæ olim plurimæ per Belgiam fuerunt; & supersunt hodie Bruxellis, Antuerpiæ, in Banco prope Louanium, & alibi.

CAPVI